



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLVI. Concessa facultas Generali nunc, & pro tempore existenti Ordinis
Fratrum Minorum S. Francisci Capuccinorum nuncupatorum una cum
Definitorio Generali concedendi licentiam Fratribus Capuccinis ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Er hanc Declarationem perpetuo servari præcipit.

Obstantibus derogat.

Dat. die 14. Maii 1735. An. V.

CLVI.

dicta auctoritate tenore præsentium approbamus, & confirmamus, illisque inviolabilis Apostolicæ firmitatis robur adjicimus.

§. 4. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, & illis ad quos spectat, & pro tempore spectabit in omnibus, & per omnia plenissime suffragari, sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane si secus super his a quoquam, quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in præfatis Urbani Prædecessoris literis concessa sunt non obstat, ceterisque contrariis quibuscumque.

Datum Romæ apud S. Mariam Majorem sub Annulo Piscat. die 14. Maii 1735. Pont. nostri Anno V.

F. Card. Oliverius.

Concessa facultas Generali nunc, & pro tempore existenti Ordinis Fratrum Minorum S. Francisci Capuccinorum nuncupatorum una cum Definitorio Generali concedendi licentiam Fratribus Capuccinis Presbyteris ad audiendas secularium confessiones ab Ordinario approbatis in illis locis, ubi Conventus sui Ordinis existunt, & in quibus Confessariorum penuria viget.

CLEMENS PP. XII.

Ad perpetuam rei memoriam.

Clem. VIII. Gregorii XIV. Constitutionem, qua cavetur, ne Capuccini secularium audiant Confessiones, abrogans eorum Ministro Generali facultatem concessit nonnullos Fratres approbandi ad eandem audiendas Confessiones.

§. 1. **D**UDUM emanarunt a re. me. Clemente Papa VIII. Prædecessore nostro literæ in simili forma Brevis tenoris, qui sequitur, videlicet: Clemens Papa VIII. Ad perpetuam rei memoriam. Alias sc. re. Gregorius Papa XIV. Prædecessor noster ex causis tunc expressis motu ejus propria sua perpetuo valitura Constitutione statuit, & ordinavit, quod nullus Congregationis Capuccinorum Ordinis Fratrum Minorum nuncupatorum S. Francisci in laicorum utriusque sexus, & Clericorum secularium quacumque dignitate, præeminentia, auctoritate, & facultate suffulti essent, confessionibus occupari, vel confessiones eorum audire, etiam si ad id faciendum a Superioribus Ordinis, aut Protectore, aut etiam ab Apostolica Sede quomodolibet, & sub quacumque verborum forma licentias eatenus obtinuissent, prout in ejusdem Gregorii Prædecessoris literis in forma Brevis sub data die prima Junii 1591. expeditis plenius continetur. Cum autem diversi utriusque sexus Christianifideles pro eorum erga dictum Ordinem seu Congregationem Capuccinorum devotione cupiant Religiosis ejusdem Congregationis confiteri posse. Nos illorum pio desiderio benigne annuentes, motu proprio, & ex certa nostra scientia, deque Apostolicæ potestatis plenitudine præfatas Gregorii Prædecessoris literas, quarum tenorem, præsentibus pro expresso haberi volumus, ita moderamur: ut Minister Generalis ejusdem Congregationis Capuccinorum, & Definidores in Capitulo Generali, congregati, ut in eodem Capitulo tantum quibusvis ejusdem Congregationis Religiosis ad Confessiones audiendas approbatis ipsis Ministro Generali, & Definitoribus videbitur, licentiam audiendi secularium utriusque sexus confessiones usque ad novi Capituli Generalis celebrationem, & non ultra, & sic de Capitulo Generali in Capitulo Generale concedere respective possint, & valeant

auctoritate Apostolica tenore præsentium facultatem concedimus, & impartimur, & quascumque licentias audiendi secularium hujusmodi confessiones quibusvis ejusdem Congregationis fratribus ab illius Protectore, aut quocumque alio, etiam de expresso nostro mandato in perpetuum concessas harum serie revocamus, & annullamus; Decernentes irritum, & inane quidquid secus super his a quoquam quavis auctoritate scienter, vel ignoranter contigerit attentari. Non obstantibus præfati Gregorii XIV. Prædecessoris, ac quibusvis aliis Constitutionibus, & Ordinationibus Apostolicis, ceterisque contrariis quibuscumque. Volumus autem, ut præsentium transumptis etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem, quæ præsentibus ipsis adhiberetur fides, adhibeatur. Datum Romæ apud Sanctum Petrum sub annulo Piscatoris die 3. Februarii 1603. Pontificatus nostri anno Undecimo. M. Vestrus Barbanius.

§. 2. Cum autem sicut dilectus filius Bonaventura a Ferraria Minister Generalis Ordinis Fratrum Minorum S. Francisci Capuccinorum nuncupat. nobis nuper exponi fecit juxta quoddam Decretum nostrum, sive per nostras pariter in forma Brevis expeditas literas Definitorium Generale dicti Ordinis in hac alma Urbe nostra de præfenti resideat, & bis in hebdomada plerumque pro discutiendis, ac resolvendis rebus Ordinis hujusmodi uniatur: dictus vero Bonaventura Minister Generalis in dies ab Ordinariis, & Communitatibus, & hominibus nonnullorum locorum, necnon multis honorabilibus familiis efflagitetur, ut fratres prædicti Ordinis Sacramentales Christianifidelium confessiones excipere possint, ac proinde opportune in præmissis a nobis provideri summopere desideret. Nos ipsum Bonaventuram Ministrum Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, eidem Bonaventuræ, & pro tempore existenti Ministro Generali prædicti Ordinis, ut una cum Definitorio Generali hujusmodi petitiones sibi super præmissis factas expendere, si, & quatenus illas congruentes, & necessarias repererit, præsertim in illis locis, ubi Conventus sui Ordinis existunt, & in eis ceteroqui Confessariorum penuria viget potestatem Fratribus Ordinis prædicti in S. Presbyteratus Ordine constitutis, & ad audiendas secularium confessiones, ab Ordinario loci approbatis concedere libere, & licite possit, & valeat quancumque necessariam, & opportunam facultatem auctoritate Apostolica tenore præsentium tribuimus, & impartimur. Quemadmodum in Capitulo Generali ejusdem Ordinis servari consuevit.

§. 3. Non obstant. prædicta Clementis Prædecessoris, aliisque Constitutionibus, & Ordinationibus Apostolicis, necnon dicti Ordinis, etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, & ad verbum insertis habentes; illis alias in suo robore permansuris hac vice dumtaxat specialiter, & expresse derogamus, ceterisque contrariis quibuscumque.

Hanc facultatem extendit Clemens.

Derogat contrariis.

Datum

1735.
Dat. die 14.
Maii 1735.
An. V.

Datum Romæ apud S. Mariam Majorem sub
annulo Piscatoris die XIV. Maii MDCCXXXV.
Pontificatus nostri anno V.
F. Card. Oliverius.

CLVII.

Indulgentiæ docentibus, & pueris discipulis
Doctrinam Christianam in Urbe ac universa
Italia, insulisque adjacentibus extenduntur
ad Adultos, qui Catechismo hujusmodi in-
tererint.

CLEMENS PP. XII.

Ad perpetuam rei memoriam.

Exordium.

Cælestium munerum Thesaurus dispensationi
nostræ a Domino creditus cum ad Catholicæ
Religionis incrementum, & animarum salutem
profuturos speramus libenter elargimur.

Extensio de
quam Rubri-
ca.

§. 1. Cum itaque ab ipso Apostolici Regimi-
nis nostri primordio ad uberes fructus, ac spiri-
tuale fidelium ædificationem, qui ex assiduo
usu, & explicatione Catechismi, siue Doctri-
næ Christianæ provenire noscebantur paternæ di-
rigentes considerationis nostræ intuitum, diver-
sas Ordinationes a nonnullis Romanis Pontifici-
bus Prædecessoribus nostris ad promovendum hoc
pium, fidelique populo imprimis necessarium
opus, quo ille nimirum fidei Catholicæ rudimen-
tis ac misteriis, omnibusque Christianis virtuti-
bus instruitur, salubriter editas, per edictum die
15. Novembr. 1730. jussu nostro promulgatum
confirmaverimus, ac etiam ampliaverimus, nunc
nos Christiane tam almæ Urbis nostræ, quam
Universæ Italiæ, ac Insularum adjacentium pro
tempore existentes, ut operi hujusmodi ferven-
tius incumbant, novis spiritualium gratiarum mu-
neribus, excitare volentes, omnes, & singulas
indulgentias, & peccatorum remissiones, ac pœ-
nitentiarum relaxationes, quæ a quibusvis Roma-
nis Pontificibus Prædecessoribus nostris præfatum
Catechismum, seu Doctrinam Christianam jux-
ta decreta Concilii Tridentini in Ecclesiis aut
Oratoriis Pueros docentibus, aut eidem dum
edocetur intervenientibus hæcenus concessa re-
periuntur ad Adultos Urbis Italiæ, & Insularum
prædictarum ipsi Catechismo, seu Doctrinæ
Christianæ interessentes harum serie Apostolica
auctoritate extendimus, & ampliamus.

Explicatio
hujusmodi
Indulgentia-
rum.

§. 2. Præterea de Omnipotentis Dei Miseri-
cordia, ac Beatorum Petri, & Pauli Apostolorum
ejus auctoritate confisi eisdem Adultis, qui
vere pœnitentes, & confessi, ac sacra Commu-
nionem refecti ejusmodi pio exercitio devote in-
tervenerint qua vice id egerint, septem annos,
& totidem quadragenas de injunctis eis, seu
alias quomodolibet debitis pœnitentiis in for-
ma Ecclesiæ consueta relaxamus; qui vero il-
lud assidue frequentaverint, eundem Catechis-
mum, doctrinamve Christianam docentes, vel
addicentes ac vere similiter pœnitentes, &
confessi, Sacraque Communionem refecti pro
Christianorum Principum concordia, hæresum
extirpatione, ac Sanctæ Matris Ecclesiæ exalta-
tione pias ad Deum preces effuderint, in Na-
tivitatis Domini nostri Jesu Christi, Paschatis
Resurrectionis Dominicæ, necnon Sanctorum
Petri, & Pauli Apostolorum festis diebus ple-
nariam omnium peccatorum suorum indulgen-
tiam, & remissionem misericorditer in Domi-
no concedimus. Præsentibus perpetuis futuris
temporibus valituris.

Obstantium
derogatio.

§. 3. Non obstantibus Constitutionibus, &
Ordinationibus Apostolicis, ceterisque contrariis
quibuscumque.

§. 4. Volumus autem, ut ipsarum præsen-
tium literarum transumptis, seu exemplis, etiam
impressis manu alicujus Notarii publici subscrip-
tis, & sigillo personæ in dignitate Ecclesiastica
constitutæ munitis eadem prorsus fides adhibea-
tur, quæ ipsis præsentibus adhiberetur, si forent
exhibita, vel ostensa.

Datum Romæ apud Sanctam Mariam Majo-
rem sub annulo Piscatoris die 27. Janii 1735.
Pontificatus nostri anno V.

F. Card. Oliverius.

1735.
Fides tran-
sumptorum.

Dat. die 27.
Janii 1735.
An. V.

Prohibitio recipiendi in Provincia Italiæ Or-
dinis Fratrum SS. Trinitatis Redemptionis
Captivorum Religiosos cujusvis Ordinis tran-
situm requirentes, sub pœna excommunica-
tionis, & privationis vocis activæ, & passi-
væ tam contra recipientes, quam receptos ipso
facto incurren.

CLVIII.

CLEMENS PP. XII.

Ad perpetuam rei memoriam.

Sollicitudo pastoralis officii, quo Catholica
Ecclesia regimini divina dispositione præsi-
demus nos urget atque impellit, ut paternam
Religiosorum Ordinum Altissimi obsequiis man-
cipatorum, uberesque bonorum operum fru-
ctus aspirante superni favoris auxilio proferre
jugiter satagentium curam gerentes, ea, quæ
Ordinibus ipsis noxia esse noscuntur annue-
re, & illorum professores in salutari viæ nor-
ma, quam amplexi sunt, conservare studea-
mus.

Procemium.

§. 1. Exponi siquidem nobis nuper fecit di-
lectus filius Josephus Aloysius, seu Ludovicus
Vasta Præsident Provincialis Provinciæ Italiæ
Ordinis Fratrum SS. Trinitatis Redemptionis
Captivorum, quod cum per Constitutiones dic-
ti Ordinis lib. primo Cap. 48. §. 14. indispen-
sabiliter prohibeatur ne Religiosi aliorum Ordi-
num recipiantur, quemadmodum etiam experi-
entia compertum sit, quantum præjudicii non-
nullis ejusdem Provinciæ Conventibus Religio-
sos translatos in eos recipere allatum sit, in
Capitulo Provinciali Provinciæ hujusmodi anno
1720. ordinatum decretumque fuit, ne im-
posterum aliquis Religiosus alterius Ordinis absque
consensu totius Definitorii Provinciæ prædictæ
ad habitum admitti, & recipi posset.

Per Consti-
tutiones Or-
dinis vetu-
tum Religio-
sos aliorum
Ordinum re-
cipere absque
consensu De-
finitorii Pro-
vincialis.

§. 2. Cum autem, sicut eadem Expositio sub-
jungebat nonnulli Superiores tam Provinciales,
quam locales ad instantias, & requisitiones per-
sonarum secularium, & ob alias particulares
causas proponere, & in eorum Conventus ali-
quot Religiosos translatos recipere sibi licere exi-
stimaverint, ipse vero Josephus Aloysius, seu
Ludovicus Præsident Provincialis, quo tam sibi,
quam aliis futuris Superioribus memorati Ordinis
hæc via omnino præcludatur, opportune in præ-
missis a nobis providere, & ut infra indulgeri
summo opere desideret.

Quod tam-
en cum
a nonnullis
Superioribus
non observa-
retur.

§. 3. Nos igitur Josephi Aloysii, seu Ludo-
vici Præsidentis Provincialis votis hac in re quan-
tum cum Domino possumus favorabiliter annue-
re volentes, eumque a quibusvis excommuni-
cationis, suspensionis, & Interdicti, aliisque Ec-
clesiasticis Sententiis, censuris, & pœnis a Jure,
vel ab homine quavis occasione, vel causa latis,
si quibus quomodolibet innodatus existit, ad
effectum præsentium dumtaxat consequendum
harum serie absolventes, & absolutum fore cen-
sentes supplicationibus ejus nomine nobis super
hoc humiliter porrectis inclinati, ut de cetero

Specialiter
statuitur sub
pœnis prout
in Rubrica.

perpetuis